

AD TERTIAM.

Capit. ut supra ad Laud.

R. br. Verbum caro factum est, * Allelúia, allelúia. Verbum caro. **V.** Et habitávit in nobis. Allelúia, allel. Glória. Verbum. **V.** Ipse invocábit me, allelúia. **R.** Pater meus es tu, allelúia.

AD SEXTAM.

Capitulum. Hebr. j. c

ET : Tu in principio Dómine terram fundásti : et ópera mánuum tuárum sunt cœli.

R. br. Notum fecit Dóminus, * Allelúia, allelúia. Notum. **V.** Salutáre suum. Allelúia, allelúia. Glória Patri. Notum.

V. Vidérunt omnes fines terræ, allelúia. **R.** Salutáre Dei nostri, allelúia.

AD NONAM.

Capitulum. Hebr. j. c

IPsi períbunt, tu autem permanébis ; et omnes sicut vestiméntum veteráscunt : et velut amíctum mutábis eos, et mutabúntur : tu autem idem ipse es, et anni tui non deficiunt.

R. br. Vidérunt omnes fines terræ, * Allelúia, allelúia. Vidérunt. **V.** Salutáre Dei nostri. Allelúia, allelúia. Glória. Vidérunt.

V. Verbum caro factum est, allelúia. **R.** Et habitávit in nobis, allelúia.

IN II. VESPERIS.

Añæ et Capit. ut in Laudibus. 328. Psalmi ut in Festis B. M. V. [191]

Hymnus ut in j. Vesp. 317.

V. Notum fecit Dóminus, allelúia. **R.** Salutáre suum, allelúia.

Ad Magnif. Aña. Magnum hereditátis mysterium : templum Dei factus est úterus nesciéntis virum : non est pollútus ex ea carnem assúmens : omnes Gentes vénient, dicétes : Glória tibi Dómine.

Deinde pro S. Stephano. **Aña.** Stéphanus autem plenus grátia et fortitúdine, faciébat signa magna in pópulo.

V. Stéphanus vidit cœlos apértos. **R.** Vidit et introívit : beátus homo, cui cœli patébant.

Oratio.

OMnípotens sempitérne Deus, qui primitias Mártyrum in beáti Levitæ Stéphanis ángue dedicásti : tribue quæsumus, ut pro nobis intercessor exsistat, qui pro suis étiam persecutóribus exorávit Dóminum nostrum Jesum Christum

Filium tuum. Qui tecum vivit et regnat.

De aliis Octavis in his Vesperis nihil fit.

IN OCTAVA

S. Stephani.

Duplex.

AD MATUTINUM.

Invitat. Christum natum, qui beátum hódie coronávit Stéphanum, * Venite adorémus. **Ps.** Veníte. 2.

Reliqua omnia de Comuni unius Martyris [30] præter sequentia.

In I. Nocturno.

De Actibus Apostolorum. **Lectio j. Cap. vij. f. et viij.**

EUra cervice, et in circumcísis córdibus, et áuribus, vos semper Spíritui sancto resistitis, sicut patres vestri, ita et vos. Quem Prophtarum non sunt persecúti patres vestri? Et occiderunt eos, qui prænuntiábant de advéntu Justi, cuius vos nunc proditóres, et homicidæ fuístis : qui accepístis legem in dispositióne Angelórum, et non custodístis. Audiétes autem hæc dissecabántur córdibus suis, et stridébant déntibus in eum.

R. Stéphanus autem plenus grátia et fortitúdine,

* Faciébat prodígia et signa magna in pópulo. **V.** Surrexérunt quidam de synagóga disputátes cum Stéphanó, et non póterant resistere sapiéntiæ, et Spíritui, qui loquebátur. — Faciébat.

Lectio ij.

CUM autem esset plenus Spíritui sancto, inténdens in cœlum, vidit glóriam Dei, et Jesum stantem a dextris Dei. Et ait : Ecce vídeo cœlos apértos, et Filium hóminis stantem a dextris Dei. Exclamátes autem voce magna continuérunt aures suas, et ímpetum fecérunt unánimíter in eum. Et ejiéntes eum extra civitátem lapidábant : et testes deposuérunt vestiménta sua secus pedes adolescéntis, qui vocabátur Saulus. Et lapidábant Stéphanum invocántem, et dicéntem : Dómine Jesu súscipe spíritum meum.

R. Vidébant omnes Stéphanum, qui erant in concílio : * Et intuebántur vultum ejus tamquam vultum Angeli stantis inter illos. **V.** Plenus grátia, et fortitúdine faciébat prodígia et signa magna in pópulo. — Et.

Lectio iij.

Positis autem génibus, clamávit voce magna dicens : Dómine ne státuas illis hoc peccátum. Et cum hoc dixisset, obdormívit in Dómino. Saul autem erat conséntiens neci ejus. Facta est autem in illa die persecútio magna in Ecclesia, quæ erat Jerosólymis : et omnes dispersi sunt per regiónes Judææ et Samariæ præter Apóstolos. Curavérunt autem Stéphanum viri timoráti, et fecérunt planctum magnum super eum.

R. Intuens in cælum beátus Stéphanus, vidit glóriam Dei, et ait : * Ecce video cælos apértos, et Fílium hóminis stantem a dextris virtútis Dei. **V.** Cum autem esset Stéphanus plenus Spíritu sancto, inténdens in cælum vidit glóriam Dei, et ait. — Ecce. **Gloria Patri.** Ecce.

In II. Nocturno.

Sermo sancti Augustíni Epíscopi.

Serm. ij. de S. Stephano.**Lectio ib.**

Uost hestérnum festivíssimum diem, quo Salvatóris nostri Christi nobis natívitás illúxit, étiam hodiérnus

dies beáti Mártyris Stéphaní coróna illustrátur. Mártyris illíus mérita nulla pars orbis ignórat : passus enim est in ipso princípío Ecclesiæ, id est, in ipsa urbe Jerosólyma. Ibi enim Diáconus ministrávit : et in ipso juventútis flore decórem aetátis suæ sángine purpurávit. Pássio ejus insignis est, multúmque mirábilis. Hanc modo de libro Actuum Apostolorum, cum legerétur, non solum audívimus, sed étiam óculis spectávimus.

R. Lapidábant Stéphanum invocántem et dicéntem : * Dómine Jesu Christe, áccipe spíritum meum : et ne státuas illis hoc peccátum. **V.** Pósisis autem génibus clamávit voce magna, dicens. — Dómine.

Lectio v.

Christus ergo caput Mártyrum prior passus est pro nobis, relínquens vobis exéplum, ut sequámini vestigia ejus. Cujus passiónis vestigia prosecútus beatíssimus Stéphanus, confiténdó Christum lapidátus a Judæis, corónam méruit tamquam suo sibi nómine

pósitam. Stéphanus enim Græce, Latíne coróna appellátur. Jam coróna nomen habébat, et ideo palnam martyrii suo nómine præferébat.

R. Impetum fecérunt unanimiter in eum, et eiecérunt eum extra civitatem, invocántem et dicéntem : * Dómine Jesu, áccipe spíritum meum. **V.** Et testes deposuérunt vestiménta sua secus pedes adolescéntis, qui vocabátur Saulus : et lapidábant Stéphanum invocántem et dicéntem. — Dómine.

Lectio vj.

Qui cum lapidarétur, non solum non expectábat de persecutóribus reportáre vindíctam, sed eis pótius a Deo véniam postulábat. Memínerat enim dixisse Dóminus : Mihi vindíctam, ego retribuam, dicit Dóminus. Et iterum : Ne díxeris, Ulciscar me de inimícis meis : sed exspécta Dóminum, ut tibi auxílio sit. Exspectáre nos jubet Dóminus Deus, ut in die futúráe retributiónis cum sanctis Martyribus vindicémur.

R. Impii super justum jactúram fecérunt, ut eum

morti tráderent : * At ille gaudens suscepit lápides, ut mererétur accípere corónam glóriæ. **V.** Continué runt aures suas, et impetum fecérunt unanimiter in eum. — At ille. **Gloria Patri.** At ille.

In III. Nocturno.

Léctio sancti Evangélii secúndum Matthæum.

Lectio vij. Cap. xxij. d

In illo témpore : Dicébat Jesus Scribis et Pharisæis : Ecce ego mitto ad vos Prophétas, et sapiéntes, et Scribas : et ex illis occidétis, et crucifigétis. Et réliqua.

Homília sancti Hierónymi Presbyteri. **Lib. 4. Comm. in cap. xxij. Matthæi.**

Jerúsalem Jerúsalem, quæ occidís Prophétas. Jerúsalem, non saxa et ædificia civitátis, sed habitátóres vocat : quam plangit patris afféctu, sicut et in álío loco légimus, quod videns eam, fléverit. In eo autem quod dicit : Quóties vólui congregáre filios tuos : omnes retro Prophétas a se missos esse testátur. Gallinæ quoque similitúdinem congregántis sub alas pullos suos, in cántico Deuteronomíi lé-

gimus : Sicut áquila prótegit nidum suum, et super pullos suos desiderávit : expándens alas suas, suscepit eos, et tulit super pennas suas.

℞. Stéphanus servus Dei, quem lapidábant Judæi, vidit cœlos apértos : vidit et introívit : * Beátus homo, cui cœli patébant. **V.** Cum ígitur saxórum crepitántium túrbine quaterétur, inter æthéreos aulae cœlestis sinus divína ei cláritas fulsit. — Beátus.

Lectio viij.

ECce relinquétur vobis domus vestra desérta. Hoc ipsum ex persóna Jeremiæ jam ante díxerat : Relíqui domum meam, dimísi hereditátem meam : facta est mihi heréditas mea quasi spelúnca hyænæ. Desértam Judæórum domum, id est, templum illud, quod fulgébat augústiis, óculis comprobámus, quia habitatórem Christum pérdidit, et hereditátem præripere géstiens occídit herédem.

℞. Patefactæ sunt januæ cœli Christi Mártiri beáto Stéphano, qui in número Mártiurum invéntus est primus : * Et ídeo triúm-

phat in cœlis coronátus. **V.** Mortem enim, quam Salvátor noster dignátus est pró nobis pati, hanc ille primus réddidit Salvatóri. — Et ídeo. Glória Patri. Et ídeo.

Lectio ix.

DIco enim vobis, non me vidébitis ámodo, donec dicátis : Benedictus qui venit in nómine Dómini. Ad Jerúsalem loquitur, et ad pópulum Judæórum. Versiculum autem istum, quo et párvuli atque lacténtes in ingrèssu Jerúsalem Dómini Salvatóris usi sunt, quando dixérunt : Benedictus qui venit in nómine Dómini, hosánna in excélsis, sumpsit de centésimo décimo séptimo Psalmo, qui manífeste de advéntu Dómini scriptus est.

Te Deum. 20.

Ad Laudes, et per Horas, omnia ut in die Festi, 278. præter Orationem.

Oratio.

OMnipotens sempitérne Deus, qui primitias Mártiurum in beáti Levítæ Stéphani ságuine dedicásti : tribue quæsumus, ut pro nobis intercessor exsístat, qui pro suis etiám persecutóribus

exorávit Dóminum nostrum Jesum Christum Fílium tuum. Qui tecum.

Deinde fit Comm.S. Joannis, et SS. Innocent. 297.

IN II. VESPERIS.

Añæ de Laud. 278. Psalmi de Dñica, 150. et ultimo loco Ps. Crédidi. 155.

Deinde fit de S. Joanne.

Capitulum. Eccli. xv.

QUI timet Deum, faciet bona : et qui cónitens est justitiæ, apprehéndet illam, et obviábit illi quasi mater honorificáta.

Hymnus.

EXsúltet orbis gáudiis : Cœlum resúltet láudibus :

Apostolórum glóriam Tellus et astra cóncinunt. Vos sæculórum Júdices, Et vera mundi lúmina, Votis precámur córdium : Audíte voces súpplicum.

Qui templa cœli cláuditis, Serásque verbo sólvitis, Nos a reátu nóxios Solvi jubéte, quæsumus. Præcépta quorum prótinus

Languor salúsque sentiunt ; Sanáte mentes lánguidas : Augéte nos virtútibus.

Ut, cum redíbit Arbiter In fine Christus sæculi,

Nos sempitérni gáudii Concédát esse cómpotes.

Jesu, tibi sit glória, Qui natus es de Virgine,

Cum Patre, et almo Spíritu,

In sempitérna sæcula.

Amen.

℞. Valde honorándus est beátus Joannes. ℞. Qui supra pectus Dómini in cœna recúbuit.

Ad Magnif. Añæ. Iste est Joannes, qui supra pectus Dómini in cœna recúbuit : beátus Apóstolus, cui reveláta sunt secréta cœlestia.

Oratio.

ECclesiam tuam Dómine benignus illústra : ut beáti Joannis Apóstoli tui et Evangelistæ illumináta doctrinis, ad dona pervéniat sempitérna. Per Dóminum.

Et fit Comm. S. Stephani, Añæ. Sepeliérunt Stéphanum viri timoráti, et fecérunt planctum magnum super eum.

℞. Stéphanus vidit cœlos apértos. ℞. Vidit et introívit : beátus homo, cui cœli patébant.

Oratio. Omnipotens. ut supra. 334.

Deinde SS. Innocent. 297.

IN OCTAVA
S. Joannis.

Duplex.

Omnia de Comm. Apostolorum [2] præter seq.

In I. Nocturno.

Delibro Apocalypsis beati Joannis Apóstoli.

Lectio j. Cap. iv.

Ost hæc vidi : et ecce ostium apertum in cælo : et vox prima, quam audivi tamquam tubæ loquentis mecum, dicens : Ascende huc, et ostendam tibi quæ oportet fieri post hæc. Et statim fui in spiritu : et ecce sedes posita erat in cælo, et supra sedem sedens. Et qui sedebat, similis erat aspectui lapidis jaspidis, et sardinis : et iris erat in circûitu sedis, similis visioni smaragdinae. Et in circûitu sedis sedilia viginti quatuor : et super thronos viginti quatuor seniores sedentes, circumamicti vestimentis albis, et in capitibus eorum coronæ aureæ.

R. Valde honorandus est beatus Joannes, qui supra pectus Dómini in cœna recubuit : * Cui Christus in cruce matrem virginem commendavit.

V. Virgo est electus a Dómino, atque inter ceteros magis dilectus. — Cui.

Lectio ij.

Et de throno procedebant fulgura, et voces, et tonitrua : et septem lampades ardentes ante thronum, qui sunt septem Spiritus Dei. Et in conspectu sedis tamquam mare vitreum simile crystallo : et in medio sedis, et in circûitu sedis quatuor animalia plena oculis ante et retro. Et animal primum simile leóni, et secundum animal simile vitulo, et tertium animal habens faciem quasi hominis, et quartum animal simile aquilæ volanti. Et quatuor animalia, singula eorum habebant alas senas : et in circûitu, et intus plena sunt oculis.

R. Hic est discipulus ille, qui testimonium perhibet de his, et scripsit hæc : * Et scimus quia verum est testimonium ejus. **V.** Fluénta Evangélii de ipso sacro Domnici pectoris fonte potavit. — Et scimus.

Lectio iij.

Et requiem non habebant die ac nocte, dicentia : Sanctus, Sanctus,

Sanctus Dóminus Deus omnipotens, qui erat, et qui est, et qui venturus est. Et cum darent illa animalia glóriam, et honorem, et benedictionem sedenti super thronum, viventi in sæcula sæculorum, procedebant vigintiquatuor seniores ante sedentem in throno, et adorabant viventem in sæcula sæculorum, et mittebant coronas suas ante thronum dicentes : Dignus es Dómine Deus noster accipere glóriam, et honorem, et virtutem : quia tu creasti omnia, et propter voluntatem tuam erant, et creata sunt.

R. Hic est beatissimus Evangelista et Apóstolus Joannes, * Qui privilegio amoris præcipui, ceteris altius a Dómino meruit honorari. **V.** Hic est discipulus ille, quem diligebat Jesus, qui supra pectus Dómini in cœna recubuit. — Qui. Glória Patri. Qui.

In II. Nocturno.

Ex Tractatu sancti Augustini Episcopi in Joannem.

Lectio iv. Tract. xxxvj.

In quatuor Evangeliiis, vel potius quatuor libris unius Evangelii, sanctus Joán-

nes Apóstolus non immerito secundum intelligentiam spiritalem aquilæ comparatus, altius multoque sublimius aliis tribus erexit prædicationem suam : et in ejus erectione etiam corda nostra erigi voluit. Nam ceteri tres Evangelistæ tamquam cum homine Dómino in terra ambulanti, et de divinitate ejus pauca dixerunt : istum autem quasi piguerit in terra ambulare sicut ipso exordio sui sermonis intonuit, erexit se non solum super terram, et super omnem ambitum aeris et cœli, sed super omnem etiam exercitum Angelorum, omnemque constitutionem invisibilium potestatum : et pervenit ad eum, per quem facta sunt omnia, dicendo : In principio erat Verbum, et Verbum erat apud Deum, et Deus erat Verbum.

R. Qui vicerit, faciam illum columnam in templo meo, dicit Dóminus : * Et scribam super eum nomen meum, et nomen civitatis novæ Jerusalem. **V.** Vincenti dabo edere de ligno vitæ, quod est in paradiso Dei mei. — Et scribam.

Lectio v.

Huic tantæ sublimitati principii etiam cetera congrua prædicavit, et de Dómini divinitate, quómodo nullus álius, est locútus : hoc ructábat, quod bíberat. Non enim sine causa de illo in isto ipso Evangélio narrátur, quia et in convívio super pectus Dómini discumbébat. De illo ergo pectore in secreto bibebat, sed quod in secreto bibit, in manifestó eructávit : ut perveniat ad omnes gentes non solum incarnátio Filii Dei, passio, et resurrectio, sed etiam quod erat ante incarnationem únicus Patri, Verbum Patris, coæternus generánti, æquális ei a quo missus est.

R. Diligébat autem eum Jesus, quóniam speciális prærogativa castitatis, amplióri dilectione fecerat dignum : * Quia virgo electus ab ipso, virgo in ævum permánsit. **V.** In cruce denique moritúrus, huic matrem suam vírginem vírgini commendávit. — Quia virgo.

Lectio vj.

Aquila ipse est Joánes, sublimium prædicátor, et lucis intérnæ

atque æternæ fixis óculis contemplátor. Dicuntur enim et pulli aquilárum a paréntibus sic probári, patris scilicet ungue suspéndi, et rádiis solis oppóni. Qui firme contemplátus fuerit, filius agnóscitur : si ácie palpitáverit, tamquam adulterinus ab ungue dimíttitur. Jam ergo vidéte, quam sublimia loqui débuit, qui est áquilæ comparátus : et tamen etiam nos humi repéntes, infirmi, et vix ullius moménti inter hómines, audémus tractáre ista, et ista expónere : et putámus nos aut cápere posse cum cogitámus, aut capi dum dicimus.

R. In médio Ecclésiæ apéruit os ejus, * Et implévit eum Dóminus spírítu sapiéntiæ et intelléctus. **V.** Jucunditatem et exultationem thesaurizávit super eum. — Et. **Gloria** Patri. Et.

In III. Nocturno.

Lectio sancti Evangélii secúndum Joánnem.

Lectio viij. Cap. xxj. d

In illo témpore : Dixit Jesus Petro : Séquere me. Convérsus Petrus vidit illum discipulum, quem

diligébat Jesus, sequentem. Et reliqua.

Homília S. Joánnis Chrysóstomi. **Homil. lxxxvij. in Joann. circa medium.**

QUM magna Christus Petro communicáset, orbis terrárum curam demandáset, martyrium prædixisset, et majórem erga eum dilectionem testátus esset : cum vellet Petrus Joánnem sócium et collégam, inquit : Hic autem quid? Numquid eámdem viam aggrediétur? Et quemádmódum in cœna interrogáre non ausus, Joánnem suffécit; ita nunc vicem reddít, arbitrátus eum velle, sed non audére de resciscitári. Tum Christus : Si eum volo manére donec véniam, quid ad te?

R. In illum diem suscipiam te servum meum, et ponam te sicut signáculum in conspéctu meo : * Quóniam ego elégi te, dicít Dóminus. **V.** Esto fidelis usque ad mortem, et dabo tibi coronam vitæ. — Quóniam.

Lectio viij.

NAM cum nimia id caritate diceret Petrus, nec ab eo dívidi vellet, osténdens Christus, quod

quantávis eum dilectione prosequerétur, suam assequi non posset, inquit : Si eum volo manére, quid ad te? His verbis nos erúdiens, neque doléndum, neque curiosius præter divínam voluntatem investigándum. Nam cum Petrus semper in hujusmodi interrogatiónes fervéntius prosiliret, iterum ejus fervórem retúndens, quod non sit ultérius inquirendum, in hunc modum respóndit.

R. Iste est Joánes, qui supra pectus Dómini in cœna recúbuit : * Beátus Apóstolus, cui reveláta sunt secreta cœlestia. **V.** Fluénta Evangélii de ipso sacro Domínici pectoris fonte potávit. — Beátus. **Gloria.** Beátus.

Lectio ix.

EXiit ergo sermo iste inter fratres, quod discipulus ille non moritur : et non dixit ei Jesus, quia non moritur ; sed, Si eum volo manére donec véniam, quid ad te? Noli arbitrári, inquit, eodem modo me de vobis disposuisse. Hoc autem dixit, ut intempestívum affectum, et consuetúdinis desiderium tólleret. Cum

enim essent orbis terrarum curam suscepturi, simul amplius esse non oportebat: magnum enim fuisset mundo detrimentum. Idcirco inquit: Opus suscepisti, id considera: perfice, labora, et te certaminibus expone. Quid ad te, si volo eum manere hic? tu officium tuum cura, et exsequere.

Te Deum laudamus. 20.
Ad Laudes, et per Horas, omnia ut in Festo. 286.

Commemor. SS. Innocentium, Aña. Hi sunt, qui cum mulieribus non sunt coinquinati: Virgines enim sunt, et sequuntur Agnum quocumque iterit.

℣. Herodes iratus occidit multos pueros. ℞. In Bethlehem Judæ civitate David.

Oratio.

Deus, cujus hodierna die præconium Innocentes Martyres non loquendo, sed moriendo confessi sunt: omnia in nobis vitiorum mala mortifica, ut fidem tuam, quam lingua nostra loquitur, etiam moribus vita fateatur. Per Dominum.

In ij. Vesperis, Aña, Capitulum et Hymnus.

de Laudibus Festi. 286. Psalmi ut in ij. Vesp. de Communi Apostol. [18] Reliqua ut supra in die Festi, 288. cum Commem. SS. Innocentium, Aña. Hi sunt. ℣. et Oratio ut supra ad Laudes.

IN OCTAVA
SS. Innocentium.
Duplex.

AD MATUTINUM.

Invitat. Regem Martyrum Dominum, * Venite adoremus. Ps. Venite. 2.

Hymnus.

Audit tyrannus anxius Adesse regum Principem,

Qui nomen Israel regat, Teneatque David regiam.

Exclamat amens nuntio: Successor instat, pellimur: Satelles i, ferrum rape: Perfunde cunas sanguine.

Quid proficit tantum nefas?

Quid crimen Herodem juvat?

Unus tot inter funera Impune Christus tollitur.

Jesu, tibi sit gloria,

Qui natus es de Virgine, Cum Patre, et almo Spiritu,

In sempiterna sæcula. Amen.

Aña, Psalmi et ℣. Nocturnorum sumuntur de Comm. plurim. Mart. [51] excepta ij. Aña iij. Noct. quæ dicitur ut infra suo loco: et omittitur nonum ℞. cujus loco dicitur Te Deum. 20.

In I. Nocturno.

De Epistola ad Romanos.

Lectio j. Cap. v.

Ustificati ergo ex fide, pacem habemus ad Deum per Dominum nostrum Jesum Christum: per quem et habemus accessum per fidem in gratiam istam, in qua stamus, et gloriamur in spe gloriæ filiorum Dei. Non solum autem, sed et gloriamur in tribulationibus: scientes quod tribulatio patientiam operatur, patientia autem probatorem, probatio vero spem, spes autem non confundit: quia caritas Dei diffusa est in cordibus nostris per Spiritum sanctum, qui datus est nobis.

℞. Centum quadraginta quatuor millia, qui empti sunt de terra, hi sunt qui cum mulieribus non sunt coinquinati: * Virgines enim permanserunt, ideo regnant cum Deo, et

Agnus Dei cum illis. ℣. Isti sunt qui venerunt ex magna tribulatione, et laverunt stolas suas in sanguine Agni. — Virgines.

Lectio ij.

UT quid enim Christus, cum adhuc infirmi essemus, secundum tempus pro impiis mortuus est? Vix enim pro justo quis moritur: nam pro bono forsitan quis audeat mori. Commendat autem caritatem suam Deus in nobis: quoniam cum adhuc peccatores essemus, secundum tempus Christus pro nobis mortuus est: multo igitur magis nunc justificati in sanguine ipsius, salvi erimus ab ira per ipsum.

℞. Sub altare Dei audivi voces occisorum dicentium: * Quare non defendis sanguinem nostrum? et acceperunt divinum responsum: Adhuc sustinete modicum tempus, donec impleatur numerus fratrum vestrorum.

℣. Vidi sub altare Dei animas interfectorum propter verbum Dei, et propter testimonium quod habebant, et clamabant voce magna, dicentes. — Quare.

Lectio iij.

SI enim cum inimici
essimus, reconciliati
sumus Deo per mortem
Filii ejus : multo magis
reconciliati, salvi erimus
in vita ipsius. Non solum
autem : sed et gloriamur
in Deo per Dominum no-
strum Jesum Christum,
per quem nunc reconcilia-
tionem accepimus. Pro-
pterea sicut per unum ho-
minem peccatum in hunc
mundum intravit, et per
peccatum mors, et ita in
omnes homines mors per-
transiit, in quo omnes
peccaverunt.

R. Adoraverunt viven-
tem in secula seculorum,
*** Mittentes coronas suas**
ante thronum Domini Dei
sui. **V.** Et ceciderunt in
conspectu throni in facies
suas : et benedixerunt vi-
ventem in secula seculorum.
— Mittentes. **Gloria**
Patri. Mittentes.

In II. Nocturno.

Sermo sancti Augustini
Episcopi

Serm. j. de Innocentibus.**Lectio ii.**

MAscende Domino
luctus cepit, non
celo, sed mundo :
indicitur matribus lamen-
tatio, Angelis exultatio,

infantibus transmigratio.
Deus est, qui natus est :
Innocentes illi debentur
victima, qui venit damna-
re mundi malitiam. Agnel-
li debent immolari, quia
Agnus futurus est cruci-
figi, qui tollit peccata
mundi. Sed oves ululant
matres, quia agnos per-
dunt sine voce balantes.
Grande martyrium, cru-
dele spectaculum. Eximi-
tur machaera, et nulla in-
tervenit causa : sola stri-
det invidia, cum qui na-
tus est, nulli faciat violentiam.
Sed oves cernimus
matres, quae super agnos
lugent. Vox in Rama au-
dita est, ploratus et ulula-
tus magnus. Pignora sunt,
non credita, sed creata :
non deposita, sed expo-
sita.

R. Effuderunt sangui-
nem sanctorum velut
aquam in circuitu Jerusa-
lem : *** Et non erat qui se-
peliret.** **V.** Posuerunt mor-
talia servorum tuorum
escas volatilibus caeli, car-
nes sanctorum tuorum
bestiis terrae. — Et non.

Lectio v.

TEstis est ipsa natura,
quae pugnabat in
Martyres, cum tyrannus
jactaret infantes. Mater

crines capitis dissipabat,
quae ornamentum capitis
amittebat. Quantis modis
infantem volebat abscon-
dere, et ipse se infantulus
publicabat! Nesciebat ta-
cere, quia necdum didi-
cerat formidare. Pugnabat
mater, et carnifex : ille
traherat, illa tenebat. Ad
carnificem mater clamaba-
t : Quid separas a me,
quem genui ex me? Ute-
rus genuit, non mansit
ille, cum vixit, ubera mea
frustra lacte contorqueus.
Cauter portavi, quem a te
video manu crudeli jactari.
Modo eum effuderunt
viscera mea, et tu elidis
ad terram.

R. Isti sunt sancti, qui
passi sunt propter te Do-
mine : vindica eos, *** Quia**
clamant ad te quotidie.
V. Vindica Domine san-
guinem sanctorum tuo-
rum, qui effusus est. —
Quia.

Lectio vi.

ALia acclamabat ma-
ter, cum exactor la-
tro non compelleret simul
occidi cum parvulo ma-
trem : Ut quid me dimittis
inane? Si culpa est, mea
est : si non est crimen,
junge mortem, et libera
matrem. Alia dicebat :

Quid quaeritis? Unum
quaeritis, et multos occi-
ditis, et ad unum, qui unus
est, attingere non potestis.
Alia contra clamabat :
Veni jam, veni Salvator
mundi, quamdiu quaere-
ris? Nullum times : videat
te miles, et nostros non
occidat infantes. Misceba-
tur lamentatio matrum, et
ad caelum transibat obla-
tio parvulorum.

R. Isti sunt, qui non in-
quinaverunt vestimenta
sua : *** Ambulabunt me-
cum in albis, quia digni
sunt.** **V.** Hi sunt, qui cum
mulieribus non sunt coin-
quinati : Virgines enim
sunt. — Ambulabunt. **Gloria.**
Ambulabunt.

In III. Nocturno.

Loco ij. Añae. Tradide-
runt. **dicitur Aña.** Isti
sunt, qui venerunt ex ma-
gna tribulatione, et lave-
runt stolas suas in san-
guine Agni.

Lectio sancti Evangelii
secundum Matthaeum.

Lectio vij. Cap. ij. c

In illo tempore : Ange-
lus Domini apparuit
in somnis Joseph, dicens :
Surge, et accipe puerum,
et matrem ejus, et fuge in
Aegyptum : et esto ibi